

Centre Number	Candidate Number	Candidate Name
---------------	------------------	----------------

NAMIBIA SENIOR SECONDARY CERTIFICATE

AFRIKAANS AS A SECOND LANGUAGE ORDINARY LEVEL

4115/2

PAPER 2 Reading and Directed Writing (Extended)

2 hours 30 minutes

Marks 90

2017

No Additional Materials are required.

INSTRUCTIONS AND INFORMATION FOR CANDIDATES

- Candidates answer on the Question Paper in the spaces provided.
- Write your Centre Number, Candidate Number and Name in the spaces at the top of this page.
- Write in dark blue or black pen.
- Do not use correction fluid.
- Do not write in the margin *For Examiner's Use*.
- Answer **all** questions.
- The number of marks is given in brackets [] at the end of each question or part question.

INSTRUKSIES EN INLIGTING VIR KANDIDATE

- Kandidate antwoord op die vraestel in die spasies wat voorsien is.
- Skryf jou Sentrumnommer, Kandidaatnommer en Naam in die spasies bo-aan hierdie bladsy.
- Skryf met 'n donkerblou of swart pen.
- Moenie vloeibare uitwisser gebruik nie.
- Moenie in die kantlyn *For Examiner's Use* skryf nie.
- Beantwoord **alle** vrae.
- Die aantal punte word tussen hakies [] aan die einde van elke vraag of deel van 'n vraag gegee.

For Examiner's Use		
Afdeling 1	Oefening 1	
	Oefening 2	
	Oefening 3	
Afdeling 2	Oefening 1	
	Oefening 2	
	Oefening 3	
Afdeling 3	Oefening 1	
	Oefening 2	
	Oefening 3	
	Totaal	

<i>Marker</i>	
<i>Checker</i>	

This document consists of **19** printed pages and **1** blank page.



Republic of Namibia

MINISTRY OF EDUCATION, ARTS AND CULTURE

AFDELING 1

Oefening 1: Vrae 1 – 6

Lees die inligting oor kool en die resepte en beantwoord dan Vrae 1 – 6.



KOOL – DIE MOET-EET-BESTANDEEL VAN DIE JAAR

Ken jou kool

Savoje – Jy kry groot en klein Savoje-koolkoppe. Die ferm blare maak dit perfek vir oondbraai, stoom of stowe.

Groenkool – Dis seker die bekendste kool in ons huise. Daar is ook 'n pers variëteit van hierdie soort kool. Gebruik dit in bredies of rou vir slaai.

Krulkool – Rooster dit in die oond vir bros tjijs of gebruik in soppe en bredies. Die kool groei in los blare eerder as koppe, soos ander soorte kool.

Chinese kool – Dit het sagte pap blare met die voorkoms van slaablare en kan rou geëet of vinnig geroerbraai word.

Blomkool – Die wit “blommetjies” maak dit baie aantreklik. Dis heerlik as bykos saam met vleis of vis, maar kan ook in sop gebruik word.

Maklike blomkoolsop

Bestanddele: 45 ml olyfolie
 1 gekapte ui
 500 g blomkool (vars of bevrore)
 500 ml hoenderaftreksel
 250 ml melk
 15 ml rissievlokkies
 sout en peper


Metode: Verhit die olie in 'n groot pot. Voeg die ui by en roerbraai 2 minute. Verlaag die hitte en voeg die blomkool by. Maak toe met 'n deksel en laat stoom 8 – 10 minute of tot geurig. Voeg die hoenderaftreksel, melk en rissievlokkies by. Laat kook oop tot die vloeistof met 'n derde verminder het. Verpulp die sop tot 'n gladde mengsel. Geur met sout en peper. Sit voor.

(Verwerk uit Sarie Junie 2015)

- 1 Watter soort kool word heel moontlik die meeste geëet?
..... [1]
 - 2 Noem **twee** soorte kool wat in sop gebruik word.
.....
..... [2]
 - 3 Hoe verskil die blare van Savoje-kool en Chinese kool?
.....
..... [2]
 - 4 Op watter manier is krulkool verskillend van ander soorte kool?
.....
.....
.....
..... [2]
 - 5 Noem **twee** vloeistowwe wat in blomkoolsop gebruik word.
..... [1]
 - 6 Wat gebeur met die sop as dit oop gekook word?
..... [1]
- [9]**

Oefening 2: Vrae 7 – 11

Lees die volgende artikel en beantwoord die vrae wat volg.

**Wees ultrakoel met Justin Bieber**

Jy het hom al op die TV sien optree, talle pryse sien wen – en nou kan jy 'n stukkie van hom net joune maak.

Justin Bieber het die musiektoneel oorrampel met sy strelende popklanke en seunsagtige sjarme. Hierdie tienersensasie het tienermeisies regoor die wêreld betower; daarvan getuig sy albumverkope. Selfs die media het Bieber-koors en die tydskrif *Forbes* het die 18-jarige sanger vanjaar as die derde magtigste beroemde aangewys.

Niemand is koeler as Biebs nie. Sorg dat jou kind die koelste in die klas is met Justin se nuwe Believe-geskenkpak teen N\$229. Dit is na sy nuwe album, *Believe*, genoem. In die reeks met hierdie handelsmerk, kan jy 'n kosblikkie, potloodsakkie, liniaal, potlood, sleutelring, hartvormige skuifspeld, 'n silikoon-armband en 'n waterbottel kry.

(Verwerk uit Sarie, Julie 2012)

- 7 Hoekom wil sommige tieners soos Justin Bieber wees?
..... [1]
 - 8 Hoe het Bieber dit reggekry om so vinnig gewild te raak in die musiekwêreld?
.....
..... [2]
 - 9 Wat wys dat baie tienermeisies dol oor Bieber is?
..... [1]
 - 10 Op wie is hierdie artikel gerig?
..... [1]
 - 11 Hoekom is die geskenkpak *Believe* genoem?
..... [1]
- [6]**

Oefening 3: Vrae 12 – 16

Lees die volgende koerantberig en beantwoord die vrae wat volg.

Namibië, Frankryk saam in stryd teen klimaatsverandering

Frankryk se minister van Ekologie, Volhoubare Ontwikkeling en Energie, me. Royal, was onlangs op besoek aan Namibië ter voorbereiding van die Verenigde Nasies se 21ste Konferensie oor Klimaatsverandering in Parys.

“Frankryk en Namibië deel die belang om ons planeet te red. Ons is saam in die stryd teen klimaatsverandering,” het Royal gesê.

Royal het gesê dat hul doelwit is dat 195 lande en die Europese Unie ’n ooreenkoms moet sluit om te keer dat die temperature wêreldwyd met twee grade Celsius styg. Ander probleme wat verdere ontwikkeling oor ’n lang tydperk beïnvloed, is ook bespreek.

“As dié ooreenkoms nie gesluit kan word nie, sal die mensdom groot probleme kry op omgewingsvlak, sowel as sosiale en politieke vlak.”

Sy het gesê Namibië kan homself nie beskerm teen klimaatsverandering nie, veral nie na die jarelange droogte nie. Namibië kan egter die eerste land in Afrika wees om selfonderhoudend te wees, deur hul eie krag te voorsien met herwinbare energie. Die sonkragaanleg by Omaruru, wat deur die Frans-Namibiese maatskappy InnoSun bestuur word, is ’n bewys daarvan.

“Dis ’n stap nader aan ander son- en windkragprojekte om skoon en goedkoop energie te produseer. Hierdie projek is ’n bewys van hoe sterk die moontlikheid is om Namibië se energiebronne te herwin. Namibië kan aan ander lande wys hoe om by te dra tot die groen ekonomiese ontwikkeling deur van alternatiewe energiebronne gebruik te maak.”

Sy het samesprekings met die president, dr. Hage Geingob en verskeie wetenskaplikes van die Wêreldnatuurfonds, Namibië Natuurfonds, die Namibië Biodiversiteit Databasis en die Woestynnavorsingstigting gehad.

Me. Royal het ’n vlug oor die Namibiese kus en Namibwoestyn saam met van die wetenskaplikes onderneem. Sy het ook Suid-Afrika en Botswana besoek.

(Aangepas en verkort uit Republikein, 5 Augustus 2015)

12 Watter lande is almal deel van die projek om die planeet te red?

.....
.....

[1]

13 Noem **twee** redes waarom me. Royal Namibië besoek het.

.....
.....
.....
.....

[2]

14 Noem **een** rede waarom dit sleg sal wees as die hele wêreld se temperatuur met twee grade Celsius styg.

.....
.....

[1]

15 Hoe kan Namibië 'n voorbeeld stel aan ander lande op die gebied van herwinbare energie?

.....
.....
.....
.....

[2]

16 Noem **een** soort natuurlike, skoon energie wat Namibië reeds gebruik.

.....

[1]

[7]

AFDELING 2

Oefening 1: Vrae 17 – 24

Lees die volgende tydskrifartikel en beantwoord die vrae op die volgende bladsy.

Instruksies vir die beantwoording van elke vraag staan teenoor die nommer van die vraag op die volgende bladsy.

**Millie, die klouterkat**

G'n krans is te hoog vir Millie die slim bergklimmer nie. Nes enige kat is Millie gek oor klouter, spring en haar omgewing verken. Maar anders as die meeste katte klouter sy steil rotshange uit. Sy spring oor gevaarlike skeure, verken **smal** rotslysies en trotseer hoë bergkruine. **Haar eienaar, Craig Armstrong, het haar uit 'n diereskuiing gered. Die diereskuiing was al oorgehaal om Millie van kant te maak toe Craig daar opdaag. Sy het dadelik sy hart gesteel.** Nou is die twee onskeibaar en het Millie al van die moeilikste roetes afgelê. Craig vertel: **“Ek gaan soggens stap en dan draf sy agter my aan.”**

Maar sy weet **gelukkig** ook wanneer om op te hou. Wanneer sy klaar is, is sy klaar. Soms word sy op 'n lysie vasgekeer en moet ek haar red. Sy het al geval, maar sy hou so baie van klim, dis moeilik om haar te keer.

(Aangepas en verkort uit Huisgenoot 10 Julie 2014)

17 Op watter ander manier kan die woord **g'n** geskryf word?

..... [1]

18 Gee die vergrotende en oortreffende trap van **smal**.

..... [2]

19 Skryf die volgende sin in die **lydende vorm**.
Haar eienaar het haar uit 'n dierskuiling gered.

..... [2]
.....

20 Skryf die volgende sin in die **ontkennende vorm**.
Die dierskuiling was al oorgehaal om Millie van kant te maak.

..... [1]
.....

21 Skryf die volgende sin in die **indirekte rede**.
Craig sê: "Ek gaan soggens stap en dan draf sy agter my aan."

..... [1]
.....

22 Wat beteken die volgende uitdrukking?
"Sy het dadelik sy hart gesteel."

..... [1]
.....

23 Gee die **intensiewe vorm** van **gelukkig**.

..... [1]

24 Verbind die volgende twee sinne met die **voegwoord** tussen hakies.
Ek moet haar gereeld red. Soms word sy op 'n lysie vasgekeer. (want)

..... [1]
.....
.....
.....

[10]

Oefening 2: Vrae 25 – 31

Lees die volgende advertensie en beantwoord Vrae 25 – 31 soos angedui.

Spirit of Wonder
Pentel[®]

CANSA
Research • Educate • Support

**Saam KAN
ons Kanker
beveg!**

**Kankervereniging
van Namibië (CAN)**

SWART INK

**Ondersteun die Kankervereniging
van Suid-Afrika (KANSA) se
bewustheidsveldtogte vir vroue- en mansgesondheid
en die Kankervereniging van Namibië (CAN)**

**Kankervereniging
van Namibië (CAN)**

SWART INK

Klikpenne met vloeibare Jel ink

**met
ENERGELINK**

**Vir elke pen wat verkoop word, sal Pentel R1.00
aan KANSA of N\$1.00 aan CAN skenk**

(Aangepas en verkort uit Huisgenoot 10 Junie 2015)

25 Wie is die teikenmark van hierdie advertensie?

..... [1]

26 Noem **twee** tegnieke wat gebruik word om die leser se aandag te trek.

.....
..... [2]

27 Waarvan wil die advertensie mense bewus maak?

.....
..... [2]

28 Watter maatskappy borg die advertensie?

..... [1]

29 Watter voordeel hou die verkope van penne vir KANSA in?

..... [1]

30 Noem **twee** eienskappe wat die penne spesiaal maak.

.....
..... [2]

31 Watter afleiding kan die leser maak van die woorde "swart ink" wat by die penne geskryf staan?

..... [1]

[10]

Oefening 3: Vraag 32

Lees die artikel oor virtuele vriende en maak 'n opsomming in paragraafvorm van ongeveer 100 woorde oor die voor- en nadele van virtuele vriende.

Wat virtuele vriende bied

Rinel reken een van die voordele van virtuele vriende is dat dit op 'n manier makliker is om by mekaar uit te kom as in die werklike lewe. “Omdat die meeste van my virtuele vriende in ander tydsones val, is dit 'n geval van e-posse of boodskappe stuur en daarop antwoord wanneer jy kan. Die nadeel is natuurlik dat werklike-lewe-vriende jou prakties kan help met klein dingetjies, wat 'n groot hulp is, soos om jou wiskunde aan jou te verduidelik.”

Sy sê dat 'n nadeel van die werklike-lewe-vriende is dat mense dikwels sulke vol programme het, dat selfs al ken julle mekaar, jy eintlik ook maar net virtueel aandag aan die vriendskap skenk, omdat julle nooit by mekaar uitkom nie. “En in die werklike lewe stel dit 'n mens teleur wanneer ander te besig is, terwyl 'n mens in die virtuele opset nie verwag dat iemand 'beskikbaar' moet wees nie.”

Lené voel ook een voordeel van virtuele vriende is dat hulle byna altyd gekontak kan word, terwyl werklike-lewe-vriende dikwels 'n beperking op hul beskikbaarheid het. Die nadeel van virtuele vriende is dat hulle soms meer in lewende lyf “daar” sou wees as jy deur 'n moeilike tyd gaan, maar nou kan hulle nie, sê Lené. “Daarteenoor is werklike-lewe-vriende daar – mits hulle nie te besig is nie.”

Sy glo wel die virtuele element van die vriendskap lei soms tot groter vrymoedigheid by mense: “Soms vertrou 'n mens jou virtuele vriende meer omdat jy hulle nog nooit in lewende lywe ontmoet het nie, of jy deel meer persoonlike goed omtrent jouself omdat jy nie daardie persoon in die oë hoef te kyk nie.”

Ook Monica ervaar hierdie groter openlikheid: “Ek vind ek gee meer van myself met my virtuele vriende. Ek weet nie of dit is omdat 'n mens dink jy sal hulle nooit ontmoet nie.” Een van die nadele van virtuele vriendskappe is dat mense makliker onnodige kommentaar op byvoorbeeld jou Facebook-muur kan skryf wat jou in die verleentheid kan stel, sê Monica.

“Werklike-lewe-vriende weet meer wat in die openbaar oor jou gesê of gedoen kan word.”

Ushan stem saam: “Ek dink mense bespreek dalk 'n probleem makliker met iemand wat hulle nie werklik ken nie, veral as hulle gesien het daardie persoon is simpatiek teenoor hulle.” Sy sê virtuele vriendskappe maak dit ook makliker om met baie interessante mense te gesels met wie jy nie normaalweg in kontak sou wees nie. “Ek gesels byvoorbeeld partykeer met 'n buitelandse wat 'n skrywer is – 'n baie interessante mens. Hy skryf baie oor die politiek in sy land.”

(Vrouekeur, 29 Mei 2015)

.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....
.....

Aantal woorde

[10]

AFDELING 3**Oefening 1: Vraag 33**

Die Graad 12's het pas die volgende uitnodiging ontvang. Jy en een van jou goeie maats bespreek julle planne vir die afskeid. Skryf jul gesprek in dialoogvorm in nie meer as **150** woorde nie.

Jan Swart

Word hiermee vriendelik uitgenooi na die
Graad 12-afsked op 2 September 2017

Plek: Lapa Duinesig

Tyd: 18:30 vir 19:00

Drag: Formeel

RSVP: Voor of op 19 Augustus 2017

Die volgende kan ook in gedagte gehou word:

- saam met wie julle gaan
- hoe julle daar gaan kom
- wat julle van dié geleentheid verwag

Oefening 2: Vraag 34

Jy was vir 'n besoek aan een van Namibië se toeriste-aantreklikhede.

Maak 'n dagboekinskrywing waarin jy jou ervaring en gevoelens beskryf.

Jou skryfstuk moet ongeveer **150** woorde lank wees.

Oefening 3: Vraag 35

Skryf 'n artikel van **200** woorde oor die belangrikheid van goeie rolmodelle vir tieners.

Jy kan van die volgende idees gebruik maak, maar jy moet ook jou eie idees byvoeg.

- Wat is 'n rolmodel?
- Wie word gesien as rolmodelle?
- Hoekom is die keuse van 'n rolmodel belangrik?
- Watter invloed het so 'n persoon?

BLANK PAGE